



Comhairle Contae Fhine Gall

Dara Scéim Teanga 2015-2018

(Faoi Alt 15 d'Acht na dTeangacha Oifigiúla 2003)





COMHAIRLE CONTAE FHINE GALL

DARA SCÉIM TEANGA

2015 – 2018

(Faoi Alt 15 d'Acht na dTeangacha Oifigiúla 2003)

CLÁR

Caibidil	Leathanach
1 Réamhrá agus Cúlra	3
2 Forléargas ar Chomhairle Contae Fhine Gall	5
3 Miondealú ar sheirbhísí reatha i ngach Teanga Oifigiúil ar leith	8
4 Gealltanais chun feabhas a chur ar úsáid na Gaeilge	9
5 An Scéim Chomhaontaithe a Chur i bhFeidhm agus a Phoibliú agus Faireachán a Dhéanamh ina leith	14



Caibidil 1 Réamhrá agus Cúlra

1.1 Réamhrá & Athbheithniú ar an 1^ú Scéim Teanga

D'ullmhaigh Comhairle Contae Fhine Gall a céad Scéim Gaeilge sa bhliain 2006 de réir Acht na dTeangacha Oifigiúla 2003. Daingníodh an Scéim ar an 1 Deireadh Fómhair 2006 agus tá athbheithniú déanta uirthi mar chuid den ullmhúchán i gcomhair an dara scéim.

1.2 Ábhar na Scéime Gaeilge

Ullmhaíodh an Scéim seo faoi Alt 15 d'Acht na dTeangacha Oifigiúla 2003. Le hAlt 11, foráiltear go ndéanfaidh comhlacht poiblí scéim reachtúil a ullmhú, ar scéim í ina sonraítear na seirbhísí a bheartaíonn an comhlacht a sholáthar:

- trí mheán na Gaeilge,
- trí mheán an Bhéarla, agus
- trí mheán na Gaeilge agus an Bhéarla

agus ina sonraítear na bearta atá le glacadh chun a chinntiú go ndéanfar aon seirbhís nach soláthraíonn an comhlacht trí mheán na Gaeilge faoi láthair a sholáthar amhlaidh laistigh d'amscála comhaontaithe. Rinneadh an Scéim seo a tharraingt suas de réir na dtreoirínte agus tá sé intuigthe inti gur comhlíonadh na gealltanais go léir atá ann in aon scéim roimhe seo. Más rud é, maidir le gealltanais atá ann i scéimeanna roimhe seo, nár comhlíonadh go hiomlán iad fós, pléadh an t-ábhar sin le hOifig an Choimisinéara Teanga.

Tá sé mar aidhm ag Comhairle Contae Fhine Gall tuilleadh forbartha a dhéanamh de réir phrionsabail na Seirbhíse Ardcháilíochta do Chustaiméirí agus

- leanfaimid de dheimhin a dhéanamh de gur féidir le daoine ar mian leo a ngnó a sheoladh i nGaeilge sin a dhéanamh;
- déanfar forbairt de réir a chéile ar na leibhéil seirbhíse atá á soláthar i nGaeilge faoi láthair;
- sainaitheofar réimsí ar féidir iad a fheabhsú ag féachaint don méid atá inbhainte amach go réadúil thar na trí bliana atá romhainn.

Tá gealltanais ann sa Scéim á rá go ndéanfar measúnacht, ar bhonn leanúnach, ar leibhéal an éilimh ar sheirbhísí trí mheán na Gaeilge agus go gcinnteofar go leanfaidh Comhairle Contae



Fhine Gall de fhreastal a dhéanamh ar an éileamh sin ar mhodh pleanáilte, comhleanúnach. Déanfar iniúchtaí chun an leibhéal fiafraithe/iarrataí ar sheirbhísí trí mheán na Gaeilge a chinneadh. Is ar an Lucht Bainistíochta Sinsearaí laistigh de Chomhairle Contae Fhine Gall a bheidh an fhreagracht as a chinntiú go gcuirtear an Scéim i bhfeidhm agus, chomh maith leis sin, as faireachán agus athbhreithniú a dhéanamh uirthi.

Ní mór dúinn aird a thabhairt ar chomhthéacs na seirbhíse poiblí faoi láthair, áfach, agus, i dtaca leis sin de, d'fhéadfadh sé go n-imreoidh na srianta reatha ar acmhainní agus ar earcaíocht san earnáil phoiblí tionchar diúltach ar an leibhéal dul chun cinn atá inbhainte amach.

1.3 Dáta thosach feidhme na Scéime Nua

Tá an scéim seo daingnithe ag an Aire Ealaíon, Oidhreachta & Gaeltachta agus tiocfaidh sí i bhfeidhm ar an 9 Feabhra 2015 agus fanfaidh sí i bhfeidhm go ceann tréimhse 3 bliana ón dáta sin nó go dtí go mbeidh scéim nua daingnithe ag an Aire de bhun Alt 15 den Acht, cibé dáta acu sin is déanaí.



Caibidil 2 Forléargas ar Chomhairle Contae Fhine Gall

2.1 Plean Corparáideach Chomhairle Contae Fhine Gall 2015 - 2019:

Ina cáil mar údarás áitiúil, tugann Comhairle Contae Fhine Gall aird chuí ar na croí-phrionsabail seo a leanas:

Rathúnas: A chumasú do dhaoine agus do ghnóthaí an leas is fearr is féidir a bhaint as deiseanna chun a rathúnas a mhéadú agus a chumasú don tsochaí ina hiomláine tairbhiú ón rathúnas sin.

Pobal: Cabhrú le pobail teacht i dtreis, teacht chun bheith ina n-áiteanna níos láidre agus ina n-áiteanna níos sábháilte le cónaí a dhéanamh iontu, ar áiteanna iad ina bhfuil deiseanna feabhsaithe agus caighdeán beatha níos fearr ar fáil.

Níos Cliste: Déanfaimid foghlaim ar feadh an tsaoil a chur chun cinn, agus tabharfaimid tacaíocht ina leith sin, chun méadú a dhéanamh ar dheiseanna agus chun tairbhí na nithe a bhainimid amach a chomhroinnt.

Níos Glaise: Feabhas a chur ar ár dtimpeallacht nádúrtha agus ar ár dtimpeallacht fhoirgnithe agus úsáid inbhuanaithe agus sult a bhaint as.

Níos Folláine: Cabhróimid le daoine sláinte ár saoránach a chothú agus a fheabhsú, go háirithe i bpobail faoi mhíbhuntáiste, trí gníomhaíochtaí fóillíochta a sholáthar agus trína chinntiú go bhfuil Fine Gall sorochtana do gach uile dhuine.

Seo a leanas ár Ráiteas Misin:

"Feabhas a chur ar chaighdeán bheatha ár saoránach agus ár bpobal trí fhorbairt a dhéanamh ar ár gcontae agus tríd an réigiún a neartú trí bhíthin fáis eacnamaíochta."

Custaiméirí & Cliant Chomhairle Contae Fhine Gall

Tá daonra Chomhairle Contae Fhine Gall os cionn 273,000 duine (Daonáireamh 2011) agus tá sí ar cheann de na limistéir údaráis áitiúil is mó fáis dá bhfuil ann sa tír. Soláthraímid seirbhísí do raon leathan geallsealbhóirí:

- Cónaitheoirí i bhFine Gall
- Gnóthaí tráchtála
- Ionadaithe tofa & foireann na Comhairle
- Ranna Rialtais & gníomhaireachtaí stát-tionscanta
- Údaráis áitiúla eile
- Na meáin náisiúnta agus na meáin áitiúla



Luaitear an méid seo a leanas sa Chairt do Chustaiméirí Fhine Gall:

“Déanfaimid an dátheangachas (Béarla/Gaeilge) a éascú go feadh an méid is mó is féidir agus tabharfaimid aitheantas do theangacha eile de réir mar is cuí”.

2.2 Achoimre ar na seirbhísí a sholáthraíonn Comhairle Contae Fhine Gall

Tá **an Roinn Gnóthaí Corparáideacha** freagrach as cruinnithe den Chomhairle, as Clár na dToghthóirí, as Cumarsáid, as iarrataí Saorála Faisnéise, as na cuntair phoiblí agus as na deasca fáiltithe. Déileálann Rannán na Seirbhísí Maoine le fáil maoine agus le bainistiú mhaoin na Comhairle.

Déanann **an Roinn Acmhainní Daonna** daoine a earcú, a fhorbairt agus a spreagadh chun seirbhísí ardcháilíochta atá dírithe ar na custaiméirí a chur ar fáil.

Oibríonn **an Roinn Teicneolaíochta Faisnéise** le gach Roinn de chuid na Comhairle d’fhonn feabhas a chur ar sheirbhísí don fhoireann agus do shaoránaigh Fhine Gall.

Roinn na nAiltirí

Déanann **Roinn na nAiltirí** raon seirbhísí agus comhairle a bhaineann le gach gné den timpeallacht fhoirgnithe a sholáthar do ranna eile de chuid Chomhairle Contae Fhine Gall.

An Roinn Airgeadais

Bainistíonn **an Roinn Airgeadais** caiteachas, ioncam, iasachtaíocht, léasú agus infheistíochtaí na Comhairle.

An Roinn Díl

Déanann **an Roinn Díl** raon iomlán seirbhísí dlíthiúla a sholáthar don Chomhairle. Tugann an Gníomhaire Díl comhairle don Bhainisteoir Contae maidir le cumhachtaí agus dualgais reachtúla.

Roinn na Seirbhísí Forbartha Eacnamaíochta

Tugann Roinn na Seirbhísí Forbartha Eacnamaíochta tacaíocht i ndáil le forbairt struchtúrtha eacnamaíochta Fhine Gall agus áirítear an Oifig Fiontraíochta Áitiúla inti. Ina theannta sin, tá sí freagrach as bainistiú & cothabháil mhórpháirceanna réigiúnacha agus mhaoin stairiúil na Comhairle.



Déileálann **an Roinn Pleanála & Bonneagair** le forbairt straitéiseach an Chontae – Plean Forbartha an Chontae a ghlacadh, feidhmeanna forfheidhmiúcháin na Comhairle, agus iniúchtaí ar fhoirgnimh chun comhlíonadh na nAchtanna agus na Rialachán um Rialú Foirgníochta a chinntiú.

Leanann **an Roinn Seirbhísí Uisce & Comhshaoil** de sheirbhísí uisce a sholáthar don phobal thar ceann Uisce Éireann agus, ina theannta sin, tá sí freagrach as dramhaíl a rialáil, ó thaobh na timpeallachta de, agus as an bPlean maidir le Bainistiú Dramhaíola.

Déileálann **an Roinn Oibríochtaí** leis an ngréasán bóithre, le spásanna oscailte poiblí agus le páirceanna poiblí, le tírdhreachú, le cothabháil crann, le bruscar agus le trána & cuanta.

Déileálann **an Roinn Tithíochta** le cothabháil tithe & bainistiú eastát, le leithroinnt tithe, le measúnacht & bailiú cíósanna, le deontais tithíochta agus le cóiríocht a sholáthar don Lucht Siúil.

Tá **an Roinn Pobail, Cultúir & Spóirt** ann agus áiríonn sé rannóga a phléann le Leabharlanna, le cúrsaí Pobail, leis na hEalaíona agus le Spóirt agus déanann na rannóga sin raon saoráidí a bhainistiú agus cláir agus seirbhísí a sholáthar do chónaitheoirí, do scoileanna, do chlubanna agus do ghrúpaí deonacha ar fud Fhine Gall.



Caibidil 3 Miondealú ar sheirbhísí reatha i ngach Teanga Oifigiúil ar leith

Seirbhísí atá ar fáil i nGaeilge amháin	Seirbhísí atá ar fáil go dátheangach	Seirbhísí atá ar fáil i mBéarla amháin
	<p>I measc na leabharlann a sholáthraíonn seirbhís dhátheangach anois, áirítear Leabharlanna Bhaile Bhlainséir, Shoird, an Rois, Mhullach Íde agus Bhinn Éadair agus Ceannoifig na Leabharlainne (<i>tabhair do d'aire go bhféadfadh athrú teacht air seo i gcás ina n-aistrítear daoine den fhoireann ó leabharlann go leabharlann</i>)</p>	<p>Áras an Chontae, Sord</p> <ul style="list-style-type: none"> • An Roinn Seirbhísí Corparáideacha • An Roinn Acmhainní Daonna • Teicneolaíocht Faisnéise • Roinn na nAiltirí • An Roinn Airgeadais • Roinn na Seirbhísí Forbartha Eacnamaíochta • An Roinn Pleanála agus Bonneagair Straitéisigh <p>Oifig Bhaile Bhlainséir, Grove Road</p> <ul style="list-style-type: none"> • An Roinn Oibríochtaí • An Roinn Tithíochta • An Roinn Pobail, Cultúir & Spóirt • An Roinn Seirbhísí Uisce & Comhshaoil • An Roinn Dí <p>Leabharlanna</p> <ul style="list-style-type: none"> • Na seirbhísí ar fad a oibríonn ó 10 mbrainse leabharlainne, ón tseirbhís leabharlainne soghluaiste agus an tseirbhís do dhaoine nach féidir leo a dteach a fhágáil. • Cartlann an Chontae • Oifig na Staidéar Áitiúil



Caibidil 4 Gealltanais chun feabhas a chur ar úsáid na Gaeilge

Is iad cuspóirí an dara Scéim seo forbairt a dhéanamh ar an dul chun cinn a baineadh amach ón mbliain 2006 maidir le seirbhísí ardcháilíochta a sholáthar dár gcuid custaiméirí a labhraíonn Gaeilge agus leathnú a dhéanamh, thar shaolré na scéime, ar an raon seirbhísí atá ar fáil go dátheangach.

Tá gealltanais ann sa dara Scéim chun faireachán a dhéanamh, ar bhonn leanúnach, ar leibhéal an éilimh ar sheirbhísí trí mheán na Gaeilge ionas gur féidir linn leanúint de fhreastal a dhéanamh ar an éileamh sin ar mhodh pleanáilte, comhleanúnach agus praiticiúil.

Mura rud é go luaitear a mhalairt, déanann Comhairle Contae Fhine Gall na gealltanais seo a leanas i leith fhorbairt na Gaeilge faoin dara Scéim thar shaolré na Scéime:

4.1 Doiciméid i Scríbhinn

Leanfaidh Comhairle Contae Fhine Gall de gach foirm iarratais, agus de bhileoga gaolmhara faisnéise, a chur ar fáil i bhformáid dhátheangach nó i leaganacha ar leithligh i nGaeilge agus i mBéarla.

I gcás ina ndéanfar foirmeacha iarratais agus bileoga faisnéise a sholáthar i leaganacha ar leithligh i nGaeilge agus i mBéarla, beidh an dá leagan chomh feiceálach céanna lena chéile i ngach suíomh poiblí.

Leanfar de dhoiciméid de chineál teicniúil a fhoilsiú i mBéarla amháin, ach amháin i gcás ina bhfuil spéis leathan ag an bpobal san ábhar nó ina ngabhann suntasacht áitiúil leis, agus, sa chás sin, déanfar leagan dátheangach nó achoimre sa Ghaeilge a chur ar fáil.

Na meáin agus preas-ráitis

Déanfar gach preas-ráiteas a bhaineann saincheistanna Gaeilge a eisiúint i nGaeilge amháin nó go dátheangach i gcomhthráth lena chéile.

Déanfar daoine údarásacha den fhoireann a shainaithint, i gcás iad a bheith ar fáil, chun agallaimh a dhéanamh leis na meáin Ghaeilge, go háirithe Raidió na Life, RTÉ, Raidió na Gaeltachta agus TG4.



Beidh na daoine sin den fhoireann ar fáil, trí Oifig Cumarsáide na Comhairle, chun dul faoi agallamh ag na meáin Ghaeilge.

4.2 Seirbhísí Pearsanta

Soláthrófar oiliúint leanúnach do dhaoine den fhoireann ar spéis leo í le gur féidir leo seirbhísí a chur ar fáil trí mheán na Gaeilge agus, faoi dheireadh théarma na Scéime, táthar ag ceapadh go mbeidh daoine ann i ngach roinn a bheidh in ann déileáil le duine den phobal trí mheán na Gaeilge.

4.3 Fáilteoirí/Oibritheoirí Lasc-chláir & Fógairtí Ó Bhéal

Leanfaidh fáilteoirí/oibritheoirí lasc-chláir in oifigí de chuid na Comhairle d'ainm Chomhairle Contae Fhine Gall agus/nó na Roinne lena mbaineann a thabhairt i nGaeilge agus soláthrófar oiliúint dóibh chun beannachtaí bunúsacha a thabhairt i nGaeilge. Beidh socruithe oiriúnacha ann le gur féidir leo daoine den phobal a chur i dteagmháil, gan mhoill, leis an duine den fhoireann atá freagrach as an tseirbhís atá á iarraidh a chur ar fáil trí mheán na Gaeilge.

Is féidir le daoine aonair den fhoireann a gcuid teachtaireachtaí glórphoist a ullmhú in aon teanga amháin, de réir mar a roghnaíonn siad, nó go dátheangach.

4.4 An Láithreán Gréasáin

Tá obair shuntasach déanta ag Comhairle Contae Fhine Gall chun feabhas a chur ar an ábhar atá le fáil ar ár láithreán gréasáin agus ar an tslí ina ndéanann daoine a mbealach tríd an láithreán gréasáin. Seoladh ár láithreán gréasáin nua, www.fingal.ie, sa bhliain 2013 agus tá optamú déanta air i gcomhair feistí soghluaiste. Tá an t-ábhar atá ann dátheangach agus is féidir do bhealach a dhéanamh tríd go dátheangach.

4.5 Córais Faisnéise

Beidh aon chórais nua ríomhaire a bheidh á suiteáil in ann déileáil leis an nGaeilge.

Déanfar seoladh ríomhphoist a chur ar bun chun déileáil le fiafraithe i nGaeilge. Tabharfar freagra ar fhiafraithe chomh pras céanna agus a dhéantar i gcás fiafraithe i mBéarla.



Leanfaidh an Chomhairle d'infhaighteacht seirbhísí Gaeilge a chur chun cinn trí fhaisnéis teagmhála a liostú ar ár láithreán gréasáin i ndáil le ranna iomchuí. Sa tslí sin, méadófar muinín an phobail i dtaca leis na seirbhísí sin a bheith ar fáil i nGaeilge.

Leanfar den Leathanach Gaeilge ar 'Fingal Connections', is é sin, Bogearraí Inmheánacha na Comhairle do Líonrú Sóisialta, a fhorbairt mar acmhainn foirne chun an dátheangachas a chur chun cinn, lena n-áirítear cabhair agus comhairle a thabhairt maidir leis an méid seo a leanas: litreacha a scríobh, frásaí d'fháilteoirí, ainmneacha na bpost agus na seirbhísí laistigh den Chomhairle, mionsonraí faoi imeachtaí Gaeilge atá le bheith ann agus aon fhaisnéis iomchuí eile.

4.6 Seirbhísí Idirghníomhacha Ar Líne

Déanfar aon seirbhísí idirghníomhacha nua ar líne a ligeann don phobal leas a bhaint as seirbhísí na Comhairle a thabhairt isteach go comhuaineach sa dá theanga.

4.7 Oiliúint & Forbairt

Tá Rannóg Oiliúna Chomhairle Contae Fhine Gall, is é sin, an Roinn Acmhainní Daonna, tiomanta i leith eolas agus scileanna na bhfostaithe a fheabhsú agus cinnteofar go dtugtar an spreagadh agus na deiseanna céanna don fhoireann a n-inniúlacht Ghaeilge a fheabhsú. Imreoidh an t-éileamh ar sheirbhísí trí mheán na Gaeilge le linn shaolré na Scéime tionchar ar cé chomh mór a dhéanfar inniúlacht Ghaeilge a fheabhsú. Déanfar iniúchtaí ar an éileamh ar sheirbhísí trí mheán na Gaeilge a chur i gcrích ar bhonn rialta.

Déanfaidh an Chomhairle mar a leanas:-

- Leanfar de thacaíocht a thabhairt i leith raon cúrsaí ardcháilíochta oiliúna Gaeilge a sholáthar don fhoireann, le linn gnáthuaireanta oibre agus lasmuigh de na huairéanta sin, agus na cúrsaí sin á soláthar tríd an Scéim Oideachais Foirne mar chuid dhílis de phlean foriomlán oiliúna an Údaráis.
- Soláthrófar raon cúrsaí trí mheán na Gaeilge do dhaoine den fhoireann atá líofa sa Ghaeilge.
- Déanfar ábhair Ghaeilge a chur ar fáil don fhoireann trí 'Fingal Connections' chun forbairt agus soláthar seirbhísí trí mheán na Gaeilge a éascú.



- Leanfar de mheasúnacht rialta a dhéanamh ar na cúrsaí go léir, lena n-áirítear cúrsaí Gaeilge agus cúrsaí a sholáthraítear trí mheán na Gaeilge, chun a fháil amach cé chomh héifeachtach atá siad maidir le haidhmeanna an Údaráis a bhaint amach.
- Beidh feasacht ar chúrsaí teanga ann mar chuid de chúrsaí oiliúna a bhaineann le hlonduchtúchán agus le Seirbhísí Custaiméara ionas go gcinnteofar an méid seo a leanas:
 - a. go dtuigeann an fhoireann cén fáth go gcuireann an Chomhairle beartas dátheangach i bhfeidhm
 - b. go dtuigeann an fhoireann an comhthéacs agus an cúlra a ghabhann leis an mbeartas; agus
 - c. go bhfuil an fhoireann ar an eolas go hiomlán i dtaobh conas a fhearann an beartas ar a gcuid oibre
 - d. go bhfaighidh an fhoireann tuiscint ar riachtanais na Saoránach a labhraíonn Gaeilge agus ar na nithe is cáis leo
- Ina theannta sin, déanfaidh an tÚdarás scrúdú ar shásraí eile (e.g. scéimeanna gradaim) chun spreagadh a thabhairt agus cur chun cinn a dhéanamh i leith seirbhísí a bheith á gcur ar fáil ag an bhfoireann trí mheán na Gaeilge agus chun aitheantas a thabhairt d'iarrachtaí na foirne sa réimse seo.

4.8 Bearta Cur Chun Cinn

Déanfaidh Comhairle Contae Fhine Gall na nithe seo a leanas a chur chun cinn:

- Rannpháirtíocht i Seachtain na Gaeilge
- Tacaíocht don Ghrúpa Ama Lóin Gaeilge agus d'aon imeachtaí sóisialta Gaeilge.
- Roinn Ghaeilge a chur san áireamh sa nuachtlir foirne 'The Raven'.
- Faisnéis a sholáthar don fhoireann tríd an bPobal Gaeilge ar *Fingal Connections*.

4.9 Earcaíocht agus Socrúchán

I gcás ina gcuirtear deireadh leis an gcosc ar earcaíocht san earnáil phoiblí, athbhreithneoidh Comhairle Contae Fhine Gall an beartas earcaíochta agus beartais maidir le soghluaisteacht foirne chun spreagadh a thabhairt i leith líon dóthanach daoine a labhraíonn Gaeilge a earcú



chun seirbhísí a sholáthar i nGaeilge. Ó dháta thosach feidhme na Scéime, leanfaidh Comhairle Contae Fhine Gall de bhreithniú a dhéanamh i dtaobh na bpost a bhfuil inniúlacht Ghaeilge (idir Ghaeilge scríofa agus Ghaeilge labhartha) ag teastáil ina leith ar fud na heagraíochta.

Leanfaidh an tÚdarás de bheith ag iarraidh comhaontú a bhaint amach le daoine den fhoireann atá inniúil sa Ghaeilge, is é sin, comhaontú chun seirbhísí a sholáthar i nGaeilge thar raon seirbhísí de réir mar a thagann éileamh ar sheirbhísí trí Ghaeilge chun cinn. Déanfar mionsonraí teagmhála do sheirbhísí Gaeilge a sholáthar ar láithreán gréasáin na Comhairle.

4.10 An beartas maidir le cruinnithe poiblí

Seolann an Chomhairle a cuid cruinnithe poiblí go léir trí mheán an Bhéarla.

Déanfar deiseanna oiliúna a sholáthar do chomhaltaí tofa ar mian leo an Ghaeilge a fhoghlaim agus a úsáid. Cuirfear coiste ar bun tríd an gCoiste Beartais Straitéisigh um Chúrsaí Ealaíon, Cultúir, Oidhreachta agus Pobail chun an Ghaeilge a chur chun cinn sa Chomhairle agus i bhFine Gall.



Caibidil 5 An Scéim Chomhaontaithe a Chur i bhFeidhm agus a Phoibliú agus Faireachán a Dhéanamh ina leith

5.1 Cur i bhFeidhm & Faireachán

Is ar an Lucht Bainistíochta Sinsearaí atá an fhreagracht fhoriomlán as cur i bhfeidhm na scéime. Is iad na bainisteoirí líne i ngach Roinn ar leith a chomhlíonfaidh an fheidhm faireacháin ó lá go lá.

Déanfaidh an Rannóg Cumarsáide agus an tAonad Forbartha Eagrúcháin tuairiscí a thabhairt faoi chomhlíonadh Acht na dTeangacha Oifigiúla 2003 ag Comhairle Contae Fhine Gall agus faoi chur i bhfeidhm na Scéime Gaeilge. Tar éis an Scéim a cheadú, déanfar Plean Cur i bhFeidhm 3 bliana a ullmhú agus, sa phlean sin, leagfar spriocanna amach ar féidir tomhas a dhéanamh i gcomparáid leo i ndáil leis an dul chun cinn atá á dhéanamh maidir leis an scéim.

Tabharfar tuarascálacha ráithiúla faoi dhul chun cinn don Phríomhfheidhmeannach agus beidh tagairt do na nithe seo a leanas ann sna tuarascálacha sin:

- Na beartais agus na tionscnaimh ar dá réir a cuireadh úsáid na Gaeilge chun cinn
- Ábhair atá foilsithe i nGaeilge, go hiomlán nó go páirteach
- Aon ghearáin nó aon mholtaí maidir le soláthar seirbhísí i nGaeilge ag Comhairle Contae Fhine Gall
- An dul chun cinn i gcomparáid le gach gealltanais ar leith atá leagtha amach sa Scéim
- Leibhéal an éilimh ar sheirbhísí i nGaeilge.

Beidh roinn faoin nGaeilge ann i dTuarascáil Bhliantúil na Comhairle.

5.2 Scéim chomhaontaithe a phoibliú

Déanfar an Scéim Ghaeilge a scaipeadh ar gach duine den fhoireann ar mhodh lámhleabhair foirne agus cuirfear ar fáil í ar '*Fingal Connections*'.

Bainfidh an Chomhairle leas as gach deis chun na seirbhísí a sholáthraímid i nGaeilge a chur chun cinn agus a phoibliú ar na modhanna seo a leanas:



- custaiméirí a chur ar an eolas go díreach, ar bhonn réamhghníomhach, faoin rogha atá acu gnó a sheoladh linn i nGaeilge, mar shampla, trí fhógraí a chur ar taispeáint i limistéir fáiltithe á léiriú cén áit a bhfuil seirbhísí Gaeilge ar fáil;
- na seirbhísí sin a liostú go feiceálach ar ár láithreán gréasáin;
- léiriú a thabhairt i dtreoirínite, i mbileoga nó i bhfoirmeacha iarratais, á rá go bhfuil na doiciméad sin ar fáil i nGaeilge, mura rud é go gcuirtear ar fáil i bhformáid dháttheangach iad;
- ábhair i nGaeilge agus i mBéarla a bheith ar fáil ar bhealach chomh feiceálach céanna lena chéile.

Cuirfear an Scéim seo ar fáil don phobal i gcoitinne trí na meáin seo a leanas:

- Láithreán Gréasáin Chomhairle Contae Fhine Gall
- Na Meáin Shóisialta
- Preas-Ráiteas
- Seoladh Oifigiúil Scéime
- Leabharlanna Fhine Gall

Is é an leagan Béarla den scéim seo an leagan oifigiúil.

Déanfar cóip den scéim chomhaontaithe a chur ar aghaidh chuig Oifig an Choimisinéara Teanga

Tá tuilleadh faisnéise ar fáil ó:

An Rannóg Cumarsáide,
Comhairle Contae Fhine Gall,
Áras an Chontae
An Phríomhshráid
Sord

Ríomhphost: eolas@fingal.ie

Láithreán Gréasáin: www.fingal.ie